

Anto esnan ku **Aseptá**; ta duna **Honor** na **Dios Tata**.
Awor kiko ta **Honor**? Kon nos por duna **Honor** na **Dios Tata**?
Ora nos duna **Honor** na **Dios Tata**,
Dios Tata ta **Bendishoná** nos (**Malakias 2:2**).

Honor na **Dios Tata** ta e **klaridat** den **kompndementu** di **Su Boluntat**.
Honor na **Dios Tata** ta e **konfiansa** di **kurason** den **Su Grasia**.
Honor na **Dios Tata** ta e **kaliber** den **konosementu** di **Su Mandamentunan**.
Honor na **Dios Tata** ta e **kaminata** dor di **kandela** den **Su Poder**.
Honor na **Dios Tata** ta e **karakter** di **kumpli** semper ku **Su Palabra**.

Pero esnan ku **no Aseptá**, **no** por duna **Honor** na **Dios Tata**:
"Pasobra e hendenan aki ta aserká **Mi** solamente ku nan boka i ta **Honra Mi** solamente ku nan lepnan, ma nan **Kurason i Mente** ta leu for di **Mi**, i nan temor i **Religion** pa **Mi** ta konsistí di **Mandamentu** di hende, ku nan ta **siña** for di kabes sin saber di e nifikashon, pa esei mira, un biaha mas lo **Mi** hasi kosnan **maravioso** meimei di e pueblo aki, kosnan **maravioso i milagroso**; i e **Sabiduria** di nan hòmbènan sabí lo peresé, i e **Kompndementu** di nan hòmbènan prudente lo ta skondí." Ai, huisio ta bini pa esnan ku ta purba skonde nan plan bon skondí pa **SEÑOR**, i ku ta hasi nan obranan den **skuridat**, i nan ta bisa: "Ken ta mira nos?" òf "Ken **konosé** nos?" (**Isaias 29:13-15**).

Honra Mi ta nifiká pa **konosé** i **konfia** den **Dios Tata Su Fielat**
Honra Mi ta nifiká pa **komprometé** abo mes na **Dios Tata Su Bèrdat**
Honra Mi ta nifiká pa **kere** totalmente den **Dios Tata Su Promesa**
Honra Mi ta nifiká pa **konsedé** den tur sirkunstansia na duna **Su Amor**
Honra Mi ta nifiká pa **konsehá** tur esnan den **Problema** dor di **Su Sabiduria**

Ta pa e motibu aki **Kristu Hesus** a bisa:
"No ta tur hende ku bisa **Mi: 'Señor, Señor,'** lo drenta e reino di shelu; ma esun ku hasi e **Boluntat** di **Mi Tata** ku ta den shelu. Hopi lo bisa **Mi** den e **dia di Reparashon: 'Señor, Señor,** nos no a **profetisá den Bo nòmber,** i **den Bo nòmber a saka demoño,** i **den Bo nòmber a hasi hopi milager?'** E ora ei lo **Mi** deklará públikamente na nan: 'Nunka **Mi** no a **konosé** boso; bai for di **Mi,** boso ku ta hasi **inikidat, malechornan** ku no ta tene kuenta ku **Mi Mandamentunan.**" (**Mateo 7:21-23**)

Honra Mi ta wòrdu realisá ora nos **obedesé** ku un **Relashon** den **Realidat**
i no hasi un **Religion** tokante **Dios**

Honra Mi ta wòrdu realisá ora nos **aktua i mostra** riba **Su Unshon**
i no hasi un **Religion** tokante **Dios**

Honra Mi ta wòrdu realisá ora nos bai **studia i meditá** riba **nos Redentor**
i no hasi un **Religion** tokante **Dios**

Honra Mi ta wòrdu realisá ora nos ta **sirbi i siña** di **nos Salvador**
i no hasi un **Religion** tokante **Dios**

Honra Mi ta wòrdu realisá ora nos **Aseptá i Glorifiká Yeshua Mesias**
i no hasi un **Religion** tokante **Dios**

Pa tur esnan ku kièr **Honra Mi**, tin **Speransa** i esaki ta bisa:
'Tende, **O Israel**, **SEÑOR** nos **Dios** ta **ún SEÑOR**. **Stima SEÑOR** bo **Dios** ku
henter bo **Kurason**, i ku henter bo **Alma**, i ku henter bo **Mente**, i ku tur bo
Forsa.' (**Marko 12:29-30**).

"Tende, **O Israel**, **SEÑOR** ta nos **Dios**, **SEÑOR** ta **ún**. **Stima SEÑOR** bo **Dios** ku
henter bo **Kurason**, ku henter bo **Alma** i ku tur bo **Forsa**." (**Deuteronomio 6:4-5**).

30 yüni 2017

Sea Bendishoná den e Amor di Yeshua Mesias

Rev. Remsly L Riley